

Data 04.02.2026

PROCESVERBAL- TIPI I KONTRATËS - MALL

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

OBJEKTI I PROCEDURËS: Blerje pajisje për mirëmbajtjen e sipërfaqeve të gjelbra

KODI PËRKATËS NË FJALORIN E PËRBASHKËT TË PROKURIMIT (CPV): 16300000-8;
16320000-4

VLERA E FONDIT LIMIT: 1,655,000 (një milion e gjashtëqind e pesëdhjetë e pesë mijë) lekë pa
tvsh;

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe
nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”
i ndryshuar, autoriteti/enti kontraktor **Albanian Gas Service Company SH.A** ka hartuar
procesverbalin për argumentimin dhe miratimin e specifikimeve teknike dhe kriterëve për
kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT:

1. Kandidati/ofertuesi duhet të dorëzojë:
 - a. Sigurim oferte, sipas Shtojcës 4;
 - b. Formulari përmbledhës i vetdeklarimit, sipas Shtojcës 9

Argumentimi: Kërkesat e mësipërme janë përcaktuar bazuar në nenet 76, 82 “Formulari
përmbledhës i vetdeklarimit”, në nenin 83 “Sigurimi i ofertes”, të Ligjit Nr.162/2020 “Për
Prokurimin Publik” të ndryshuar, si dhe në nenin 30/1, të VKM-së Nr.285, datë 19.5.2021 “Për
Miratimin e Rregullave të Prokurimit Publik, të ndryshuar.

2. Kandidati/Ofertuesi duhet të dorëzojë:

2.1 Kapaciteti ekonomik dhe financiar:

2.1.1 Për të provuar kapacitetet financiare dhe ekonomike, operatorët ekonomikë duhet të
paraqesin vërtetim për xhiron vjetore për tre vitet e fundit financiare ku vlera e xhiros për të paktën
një nga vitet e periudhës së kërkuar duhet të jetë jo më e vogël se 40 % të fondit limit të kontratës.

Argumentimi: Kërkesa e mësipërme është përcaktuar bazuar në nenin 77, pika 3 të LPP, si dhe
nenin 43, pika 2/c të VKM nr. 285, datë 19.05.2021 “Për miratimin e rregullave të prokurimit
publik”, i ndryshuar, si dhe në legjislacionin e fushës në fuqi, përkatësisht në Ligjin nr. 29/2023,

"Për tatimin mbi të ardhurat" i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike", si dhe në Udhëzimin e Ministrit të Financave nr.5, datë 30.01.2006, "Për tatimin mbi të ardhurat", i ndryshuar.

Përcaktimi i vlerës është bërë brenda kufirit të vlerës të përcaktuar në rregullat e prokurimit publik dhe paraqitja e një dëshmie të lëshuar nga administrata tatimore vërteton besueshmërinë dhe kapacitetet financiare që ka një operator ekonomik ofertues nëpërmjet xhiros të realizuar në një nga këto vitet e fundit. Është e rëndësishme që ofertuesi para se të dorëzojë ofertën të kuptojë dhe të vlerësojë aftësitë/mundësitë e tij që lidhen me kapitalin e nevojshëm për ekzekutimin me sukses të një kontrate të kësaj përmase që AK po prokuron.

2.2 Aftësitë teknike:

2.2.1 Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 20 % të vlerës së fondit të limit të kontratës.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik dhe fatura tatimore të shitjes të deklaruar në organet tatimore, ku shënohen datat, shumat dhe sasi të mallrave të furnizuara,
- për përvojën e mëparshme të realizuar me sektorin privat, operatori ekonomik duhet të paraqesë faturën përkatëse tatimore të deklaruar në organet tatimore ku të shënohen datat, shumat dhe sasi të mallrave të furnizuara.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 "Për prokurimin publik" dhe nenit 55, pika 4/b të VKM nr. 285, datë 19.05.2021 "Për miratimin e Rregullave të Prokurimit Publik". Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën që AK kërkon të realizojë, prandaj është kërkuar që mallrat e mëparshme të ngjashme të jenë në vlerën jo më pak se 20% të vlerës së fondit limit të kontratës, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet në vlerën prej 20% të fondit limit, në afat dhe me cilësi dhe rrit besueshmërinë mbi përvojën që ka ofertuesi në treg. Përvoja e ngjashme është një tregues tepër i rëndësishëm, ndaj operatorët ekonomikë duhet të paraqesin dëshmi të tilla si referenca/fatura tatimore për ta provuar kryerjen e tyre qoftë me sektorin privat dhe atë publik.

2.2.2. Operatori ekonomik duhet të paraqesë skeda teknike/data sheet/katalogun e prodhuesit ose fragmente të katalogut për të gjitha mallrat sipas numrave perkatese në specifikimet teknike, nga të cilat të pasqyrohet qartë malli i ofruar me specifikimet teknike të kërkuara në DT. Fragmentet e katalogut duhet të tregojnë qartë që janë pjesë e katalogut. Të dhënat teknike, të paktën ato të kërkuara në specifikimet teknike duhet të jenë në gjuhën shqipe (të përkthyer dhe noterizuar).

Argumentimi: Kërkesat e mësipërme janë përcaktuar bazuar në Ligjin Nr.162/2020 “Për Prokurimin Publik”, i ndryshuar, në pikën 6 të nenit 40 të VKM-së Nr.285, datë 19.5.2021 “Për Miratimin e Rregullave të Prokurimit Publik” i ndryshuar. Për të krahasuar pajtueshmërinë e specifikimeve teknike dhe standartet e kerkuara specifikimet teknike, AK ka të drejtë të kërkojë edhe paraqitjen e katalogeve ose fragmenteve të katalogut/eve të prodhuesit/ve të mallrave objekt prokurimi të perkthyer në gjuhën shqipe në mënyrë që të jenë të kuptueshme nga anëtarët e komisionit të vlerësimit të ofertave. Kjo kërkesë në përpjesëtim dhe i lidhur ngushtë me objektin e prokurimit, si dhe në përputhje me dispozitat ligjore të sipërcituara. AGS shpreh duke qenë se është përfituesi direkt i kontratës objekt prokurimi, është në të drejtën e tij që të kërkojë që operatorët ekonomikë pjesëmarrës të dëshmojnë origjinalitetin e produkteve të furnizuara.

2.2.3 Operatori ekonomik duhet të paraqesë Deklaratë konformiteti të BE-se (“EU Declaration of Conformity”) kur është e aplikueshme sipas Direktivave dhe klasifikimit të Këshillit të Europës, për të paktën zërat 1, 5, 7 përkatësisht (Traktor për prerjen e barit, Troko e pajisur me 2 bateri, Motorsharre).

Argumentimi: Kërkesa e mësipërme është bazuar në nenin 79 të Ligjit Nr.162/2020 “Për Prokurimin Publik”, i ndryshuar, ku përcaktohet se: *Autoriteti ose enti kontraktor për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin certifikata të lëshuara nga një organ i vlerësimit të entitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë .Kjo dispozitë zbatohet edhe kur kërkesat teknike u referohen kualifikimeve të kandidatit ose të ofertuesit.*

Në pikën 6 dhe 8 të nenit 40 si dhe në nenin 44 të VKM-së Nr.285, datë 19.5.2021 “Për Miratimin e Rregullave të Prokurimit Publik” i ndryshuar, në Ligjin Nr.10489, datë 15.12.2011, "Për tregtimin dhe mbikëqyrjen e tregut të produkteve joushqimore", në VKM nr. 349, datë 29.04.2020 “Për miratimin e rregullimit teknik “Për pajisjet elektrike të projektuara për përdorim brenda kufijve të caktuar të tensionit” dhe përcaktimin e listës së standardeve të harmonizuara”, si dhe me standartet teknike përkatëse.

Deklarata konformitetit është një dokument që përdoret për të dëshmuar se një produkt është në përputhje me kërkesat thelbësore të sigurisë, shëndetit, mbrojtjes së mjedisit dhe standardeve teknike të Bashkimit Evropian. OE duhet të dorëzojë ato të pakten për 3 nga pajisjet që do të përdoren masivisht dhe kanë dhe vlerën me të madhe nga testimi i tregut. Deklarata duhet të dorëzohet së bashku me dokumentacionin teknik të pajisjes.

Kërkesa të tjera të veçanta për kualifikim:

2.2.4 Operatori ekonomik duhet të deklarojë se do zbatojë rregullat e përcaktuara në Kodin e Etikës të AGS SH.A lidhur me realizimin e objektit të kësaj kontrate. (ky kod është i publikuar në SPE se bashku me DT).

Argumentimi: Kërkesa e mësipërme është përcaktuar bazuar në nenin 40/8 të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar ku parashikohet se: Autoriteti/enti kontraktor, përveç kërkesave të parashikuara në këtë nen, mund të përcaktojë

kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës.

AGS SH.A është një shoqëri shërbimesh operative, përgjegjëse për kryerjen e veprimtarisë së mirëmbajtjes dhe shërbimeve teknike për Trans Adriatic Pipeline AG sipas Marrëveshjes së Mirëmbajtjes midis Trans Adriatic Pipeline AG dhe AGSco. Ndaj AGSco në marrëdhëniet me biznesin, bazohet dhe ndjek parimet e besnikërisë, korrektësisë, transparencës, efikasitetit dhe tregut të lire, parime këto të përcaktuara jo vetëm në legjislacionin e prokurimit por edhe në Kodin e Etikës të shoqërisë. Në këtë Kod janë përcaktuar edhe rregullat mbi (praktikat korruptive, favorët e paligjshme, marrëveshjet e fshehta dhe kërkesat për përfitime personale për veten ose të tjerët etj.), që grupet e interesit (përfshirë ofertuesit) duhet t'i vlerësojnë nëse ato kërkojnë të bashkëpunojnë me AGS SH.A, prandaj përpara se operatorët ekonomikë të ofertojnë duhet të njihen dhe marrin përsipër t'i zbatojnë këto rregulla. Për më tepër, argumentojmë se këto rregulla nuk bien ndesh me rregullat e prokurimit publik, prandaj është vlerësuar nga ana jonë edhe vendosja e kriterit se operatori ekonomik duhet të vetëdeklarojë se do zbatojë rregullat e përcaktuara në Kodin e Etikës të AGS SHA që kanë lidhje me realizimin e objektit të kësaj kontrate.

II. Argumentimi i termave të referencës dhe specifikimet teknike

Specifikimet teknike janë hartuar duke marrë në konsideratë nevojat e të tre Qendrave të Mirëmbajtjes së AK, natyrën e mallrave, qëllimin se përse do të perdoren dhe afatin kohor për realizimin e këtij furnizimi, si dhe bazuar në nenin 36 të Ligjit Nr. 162/2020 "Për prokurimin publik" i ndryshuar, në nenin 40/2 të VKM nr.285, datë 19.05.2021 "Për miratimin e Rregullave të Prokurimit Publik" i ndryshuar, në Ligjin Nr. 10489, datë 15.12.2011, "Për tregtimin dhe mbikëqyrjen e tregut të produkteve joushqimore", si dhe në VKM nr. 349, datë 29.04.2020 Për miratimin e rregullimit teknik "Për pajisjet elektrike të projektuara për përdorim brenda kufijve të caktuar të tensionit" dhe përcaktimin e listës së standardeve të harmonizuara". Në përcaktimin e të dhënave teknike të pajisjeve jemi bazuar në ligje, jemi konsultuar me standardet e harmonizuara në mënyrë që të sigurojmë nga procedura e prokurimit produkte të sigurta për përdorim dhe që përputhen me nevojat funksionale dhe operacionale të AGS sha. Te dhënat teknike janë hartuar në mënyrë të tillë që lejojnë një gamë të mjaftueshme produktesh për të siguruar konkurrencë të barabartë ndërmjet ofertuesve.